

世説補

三四

文學
上


言語
下中

政事

五八

服部文庫
イ 17
2080
2





117
2080
2



李卓吾批點世說新語補卷之三

宋 劉義慶 批

梁 劉孝標 注

宋 劉辰翁 批

明 何良俊 增

王世貞 刪定

王世懋 批釋

李贄 批點

張文柱 校注

言語
批點世說補卷之三

言語中

○鄧艾口喫語稱艾艾

魏志曰艾字士載棘陽人少為農人養犢年十二隨

母至穎川讀故太丘長碑文曰言為世範行為士則遂名範字士則後宗族有同者故改焉每見高山大澤輒規度指畫軍營處所時人多笑焉後見司馬宣王三辟為掾累遷征西將軍伐蜀蜀平進位太尉為衛瓘所害 晉文王戲之曰卿云艾艾定是

幾艾對曰鳳兮鳳兮故是一鳳

列仙傳曰陸通者楚狂接輿也

好養性游諸名山嘗遇孔子而歌曰鳳兮鳳兮何德之衰往者不可諫來者猶可追後入蜀在峩嶺山中

○嵇中散

嵇康集叙曰康字叔夜譙國鉅人王隱晉書曰嵇本姓溪其先避姓徙上虞影

情 作公

情

劉云為食暴殺夜至此痛癩可憐極叙它感發來歷皆別此孺子忽忽過一生惜哉

王云世人但知於中即石經不知有橋中故此註其一大故事

李公奇甚

譙國鉅縣以出自會稽取國一支音同本奚焉虞預晉書曰鉅有嵇山家於其側因氏焉文章叙錄曰康以魏長樂亭主 語趙景真 嵇紹趙至

至年十二與母共道傍看母曰汝先世非微賤家也汝後能如此不 至曰可爾耳歸便就師誦書蚤聞父耕叱牛聲釋書而泣師問之答曰自傷不能致榮華而使老父不免勤苦年十四入

太學觀時先君在學寫石經古文事訖去遂隨車問先君姓名先君曰年少何以問我至曰觀君風器非常故問耳先君具告之至年十五陽

病數數狂走五里三里為家追得又灸身體十數處年十六遂亡命徑至洛陽求索先君不得至鄴沛國史仲和是魏領軍史渙孫也至便依之遂名翼字陽和先君到鄴至具道太學中事便逐先君歸山陽經年至長七尺三寸潔白黑髮赤脣明目鬢鬚不多閒詳安諦體若不勝衣

比沾世兒南卷之三

先君嘗謂之曰卿頭小而銳。瞳子白黑分明。視
 瞻停諦。有白起風。至論議清辯。有縱橫才。然亦
 不以自長也。孟元基辟為遼東從事。在郡斷九
 獄。見稱清當。自痛棄親遠遊。母亡不見。吐血發
 病。服未竟而亡。卿瞳子白黑分明。有白起之風。嚴尤三
 平原君勸趙孝成王受馮亭。王曰。受之。秦兵必
 至。武安君必將。誰能當之者乎。對曰。澠池之會。
 臣察武安君小頭而面銳。瞳子白黑分明。視瞻
 不轉。小頭而面銳者。敢斷決也。瞳子白黑分明
 者。見事明也。視瞻不轉者。執志彊也。可與持久。
 難與爭鋒。廉頗為人勇鷙而愛士。知難而忍恥。
 與之野戰。則不如持守足。恨量小狹。趙云尺表
 以當之。孝成王從其計。
 能審璣衡之度。周髀曰。夏至北方二萬六千里。樹表。則無影矣。周髀長八尺。夏至日晷尺六寸。解股也。晷勾也。正南千里。勾尺五寸。正北千里。

句尺七十寸。周
 髀之書也。黃帝使伶倫
 在大夏之西。崑崙之陰。取竹之嶰谷。生其竅厚
 薄均者。斷兩節。間而吹之。以為黃鐘之管。制十
 二筩。以聽鳳凰之鳴。雄鳴六。雌鳴六。以為律呂。
 續漢書律曆志曰。十二律之變。至於六十。以律
 候氣。候氣之法。為室三重。戶閉塗墾。必周密。布
 縱橫。以木為案。加律其上。以葭莖灰抑其九。為
 氣所動者。其灰何必在也。但問識如何耳。
 散也。以此候之。

司馬景王東征

魏書曰。司馬師字子元。相國宣
 文侯長子也。以道德清粹。重於
 朝廷。為大將軍。錄尚書事。母
 血儉反。師自征之。薨。謚景王。取上黨李喜以為

從事中郎。因問喜曰。昔先公辟君不就。今孤召
 君。何以來。喜對曰。先公以禮見待。故得以禮進。

三云語意疎直

北帖世說新語卷之三

三

退明公以法見繩喜畏法而至耳。晉諸公贊曰喜字季和上黨銅鞮人也少有高行研精藝學宣帝為相國辟喜喜固辭疾景帝輔政為從事中郎累遷光祿大夫特進贈太保

○晉武帝始登阼探策得一王者世數繫此多少

帝既不說羣臣失色莫能有言者侍中裴楷進

曰臣聞天得一以清地得一以寧侯王得一以

為天下貞帝說羣臣歎服王弼老子注云一者

是物所以為主也各以其一致此清寧貞

○蒲奮畏風在晉武帝坐北窻作琉璃屏實密似

劉云此故自應至此

疎奮有難色帝笑之荀綽冀州記曰奮字武秋高平人魏太尉龍之孫也

性清平有識自吏部郎出為冀州刺史晉諸公贊曰奮體量清雅有曾祖寵之風遷尚書令為荀顛

所害奮荅曰臣猶吳牛見月而喘今之水牛唯生江淮間故

謂之吳牛也南土多暑而此牛畏熱見月疑是日所以見月則喘

○諸名士共至洛水戲竹林七賢論曰王濟諸人嘗至洛水解褻事明日或

問濟曰昨游有還樂令廣問王夷甫曰今日戲

樂乎虞預晉書曰王衍字夷甫瑯琊臨沂人司徒戎從弟父又平北將軍夷甫蚤知名以

清虛通理稱仕至太尉為石勒所害王曰裴僕射善談名理混混

有雅致晉惠帝起居注曰裴頠字逸民河東聞喜人司空秀之少子也冀州記曰頠弘

此點世補卷之三

劉云謂其作勞過多畏見月疑有言語耳

識稽
中

著
王云古本原作
後皆做此

至楚

濟有清... 尚書左僕射為趙王倫所害。張茂
先論史漢靡靡可聽。王隱晉書曰：張華字茂先
倫所害。晉陽秋曰：華博覽洽聞無不貫綜。世祖
嘗問漢事及建章千門萬戶。華畫地成圖。應對
如流。張安世
不能過也。我與王安豐說延陵子房亦超超

玄著。晉諸公贊曰：夷甫好尚

王武子。晉諸公贊曰：王濟字武子。太原晉陽人。
中書郎。孫子荆。文士傳曰：孫楚字子荆。太原中

終太僕。南陽太守宏之子。鄉人王濟豪俊公子。
資之本州大中正。訪問宏為鄉里品狀。濟曰：此人

非鄉評所能名。吾自狀之。曰：天才
英特亮拔不羣。任至馮翊太守。各言其土地

語
劉云註是也吳
蜀此說是本
色按王孫同為
太原人不當土
風之異如此

人物之美。王云：其地坦而平。其水淡而清。其人
廉且直。孫云：其山靠魏。以嵯峨。其水泔潔而揚
波。其人磊砢而莖多。
籍稱吳土地人物與此語
同。

樂令女適大將軍成都王穎。虞預晉書曰：樂廣

夷中曠。加有理識。累遷侍中。河南尹。在朝廷用
心虛淡。時人重其貞貴。代王戎為尚書令。八王

故事曰：司馬穎字叔度。世祖
第十九子。封成都王。大將軍。王兄長沙王執權

於洛。晉百官名曰：司馬。又字士度。封長
沙王。八王故事曰：世祖第十七子。遂構兵

相圖。長沙王親近小人。遠外君子。凡在朝者。人

此點世說新語卷之三

五

劉云一語坦然
收服敬服

古世說排調

王云誤語乃得
作遂為口實此
王于敬畫地也

最得占對
之妙者外謂下

懷危懼樂令既允朝望加有婚親羣小讒於長
沙長沙嘗問樂令樂令神色自若徐答曰豈以
五男易一女晉陽秋曰成都王之起兵長沙王
猜廣廣曰寧以一女而易五男又

猶疑之遂
以憂卒

由是釋然無復疑慮

孫子荆年少時欲隱語王武子當枕石漱流誤
曰漱石枕流王曰流可枕石可漱乎孫曰所以
枕流欲洗其耳所以漱石欲礪其齒

○陸機詣王武子

晉陽秋曰機字士衡吳郡人祖
遜吳丞相父抗大司馬機與弟
雲並有雋才司空張華見而說之曰平吳之利
在獲二雋機別傳曰博學善屬文非禮不動入

鹽鼓後尚未
知語深約可以

味得難以後賞
耳

王云千里湖名
今志猶可考

○中朝有小兒父病行乞藥主人問病曰患瘧也
主人曰尊侯明德君子何以病瘧俗傳行瘧鬼
小多不病巨士不病瘧大將軍反病瘧耳
答曰來病君子
所以為瘧耳

○郭洗馬入洛聽伎人歌言佳石季倫問其曲崇石
別郭云不知季倫笑曰卿不識曲那得言佳郭

王云轉語甚佳

○補

郭洗馬入洛聽伎人歌言佳石季倫問其曲崇石
別郭云不知季倫笑曰卿不識曲那得言佳郭

此古世說補卷之三

六

格

答曰譬如見西施西施別見何必識姓名然後知美

鄧粲晉紀曰郭納字敬言官至太子洗馬晉陽

秋曰初納仕吳為蒸陽令入晉久不進序陸機

薦之曰訥風度簡曠器識朗拔通濟敏悟才足

幹事出自新邦朝無知己居不遐外志不自營

年時倏忽邈無階緒實

州黨愚智所為恨恨

蔡洪吳集錄曰洪字叔開吳郡人有才辯初仕

日洪仕至赴洛洛中人問曰幕府初開羣公辟

命求英奇於仄陋采賢雋於巖穴君吳楚之士

亾國之餘有何異才而應斯舉蔡答曰夜光之

珠不必出於孟津之河舊說云階侯出行有蛇

李無奈味氏作子

之蛇遂得生而去後衛明月珠以報其德光明

照夜同晝因曰隋珠左思蜀都賦所謂階侯鄙

其夜盈握之璧不必采於崑崙之山韓氏曰和

出於井大禹生於東夷文王生於西羌按孟子

於諸馮東夷人也文王生於岐周賢聖所出何

西戎人也則東夷是舜非禹也

必常處昔武王伐紂遷頑民於洛邑尚書曰成

殷頑民作多士孔安國注曰殷大夫心得無諸

不則德義之經故徙於王都邇教誨也

君是其苗裔乎按華令思舉秀才入洛與王武

二人同有此辭子相酬對皆與此言不異無容

疑世說穿鑿也

崔正熊詣都郡都郡將姓陳問正熊君去崔行

此帖世說南卷之三

王云此問者
黃破綻

幾世答曰民去崔杼如明府之去陳恒晉百官名曰崔

豹字正能燕國人惠帝時官至太傅丞

庾公造周伯仁虞預晉書曰周顛字伯仁汝南安城人揚州刺史浚長于也晉

陽秋曰顛有風流才氣少知名正體嶷然儕輩不敢媒也汝南賈泰淵通清操之士嘗嘆曰汝

穎固多賢士自頃陵遲雅道殆衰今復見周伯仁伯仁將祛舊風清我邦族矣舉寒素累遷尚

書僕射為伯仁曰君何所欣說而忽肥庾曰君

王敦所害復何所憂慘而忽瘦伯仁曰吾無所憂直是清虛日來滓穢即去耳

過江諸人每至美日輒相邀新亭藉卉飲宴陽

劉云極鄙而隱

李云大無味

學語

記曰新亭吳舊立先基崩淪隆中坐

而歎曰風景不殊正自有山河之異皆相視流

淚唯王丞相丞相別傳曰王道字茂弘瑯琊人

知名家世貧約恬暢樂愀然變色曰當共戮力

王室克復神州何至作楚囚相對春秋傳曰楚

之鄭執郟公鍾儀獻晉景公觀軍府見而問之

曰南冠而縶者為誰有司對曰楚囚也使稅之

同其族對曰伶人也能為樂乎曰先父之職敢

有二事與之琴操南音范文子曰楚囚君子也

樂操土風不忘舊也君衛洗馬初欲渡江形神慘頓語左右云見此苦

劉云俯仰情至

此點世說補卷之三

劉云似癡似癩
似多似少轉使
柔情身知非
夫語然非
來易能言
王云至今讀之
欲絕况在當時
德音面聆者邪

古世說不見
疑補

李云好介太直
思由餓生餓則
憶至不思不憶
固也能不餓乎
非人情

芒不覺百端交集苟未免有情亦復誰能遣此

晉諸公贊曰衛玠字叔寶河東安邑人祖父瓊
太尉父桓黃門侍郎玠別傳曰玠穎識通達天
韻標令陳郡謝幼輿敬以亞父之禮娶樂廣女
裴叔道曰妻父有冰清之姿婿有璧潤之望所
謂秦晉之匹也為太子洗馬永嘉四年南至江
夏與兄別於梁里澗語曰在三之義人之所重
今日忠臣致身之道可不勉乎行至豫章乃卒

温太真問郭文舉饑則思食壯則思室自然之
性先生安獨無情乎文舉答曰思由憶生不憶
故無情抱朴子曰郭文舉入陸渾山
學道獨能無情意不生也

劉琨雖隔閭寇戎志存本朝王隱晉書曰琨字
越石中山魏昌人

祖邁有經國之才父璠光祿大夫琨少稱雋朗
累遷司徒長史尚書右丞迎大駕於長安以有
殊勳封廣武侯年三十五出謂温嶠曰班彪識
為并州刺史為段日磾所害

劉氏之復興馬援知漢光之可輔漢書叙傳曰
彪字叔皮扶

風人客於天水隴西隗囂有窺觜之志彪作王
命論以諷之東觀漢記曰馬援從公孫述隗囂
薨後見光武曰天下反覆盜名字者不可勝數
今是陛下寥廓大度同符高祖乃知帝王自有
真也帝甚壯之今晉祚將盡天命未改吾欲立功於河

北使卿延譽於江南子其行乎温曰嶠雖不敏
才非昔人明公以桓文之姿建匡立之功豈敢

辭命虞預晉書曰嶠字太真太原祁人少標後
清徹英穎顯名為司空劉琨左司馬是時

七占士元南

世說補卷之三

○續晉陽秋曰帝諱昱字道萬中宗少子也仁聞有智度穆帝幼冲以撫軍輔政大司馬桓温廢海西公而立帝在位二年

○古世說不見疑補

○○王安期去官東渡江道路梗澁人懷危懼王每遇艱險處之夷然雖家人不見其憂喜之色既至下邳登山北望歎曰人言愁我始欲愁謝太

傳曰當爾時覺形神俱往名士傳曰王承字安期太原晉陽人父湛

汝南太守承冲淡寡欲無所循尚累遷東海內史為政清靜吏民懷之避亂渡江元皇為鎮東

引為從事中郎

○庾公嘗入佛圖見臥佛涅槃經云如來背痛於雙樹間北有而臥故後

之圖繪者為此象曰此予病於津梁干時以為名言

○孟萬年好飲喜酣暢孟嘉別傳曰嘉字萬年江都人曾祖父吳司空

鄙

祖父楫晉廬陵太守宗葬武昌子孫家焉嘉少以清操知名庾亮領江州辟嘉部廬陵從事下都還亮引問風俗得失對曰待還當問從事吏亮舉塵尾掩口而笑語弟翼曰孟嘉故是盛德

○學從事桓宣武嘗問酒有何好而卿嗜之孟答

曰公但和知酒中趣耳桓温別傳曰温字元子

策後也父彝有識鑒温少有豪邁風氣為温嶠所知累遷瑯琊內史進征西大將軍鎮西夏時

逆胡未誅餘燼假息温親勒郡卒建旗致討清蕩伊洛展敬園陵薨謚宣武侯

○○桓宣武嘗問孟萬年聽伎絲不如竹竹不如肉

此點世說補卷之三

世說補卷之三

何也。孟答曰：漸近自然。一坐咨嗟。

摯瞻曾作四郡太守。大將軍戶曹參軍。復出作

內史。摯氏世本曰：瞻字景游。京地長安人。大將軍

家著作郎。中朝亂。依王敦為戶曹參軍。歷安

新蔡西陽太守。見敦以故壞裘。賜老病外部

督。瞻諫曰：尊表雖故。不宜與小吏。敦曰：何為不

可。瞻時因醉曰：若上服皆可用。賜貂蟬亦可。賜

下乎。敦曰：非喻所引如此。不堪二千石。瞻曰：瞻

視去西陽。如脫屣耳。敦反。乃左遷。瞻曰：瞻

年始二十九。嘗別王敦。敦別傳曰：敦字處休。鄉

遷青州刺史。避地江左。歷侍中。敦請瞻曰：卿年

丞相。大將軍揚州牧。以罪伏誅。敦請瞻曰：卿年

未三十。已為萬石。亦太蚤。瞻曰：方於將軍。少為

太蚤。比之甘羅。已為太老。摯氏世本曰：瞻高亮

後知敦有異志。建興四年。與第五琦據州。以

距敦。竟為所害。史記曰：甘羅秦相茂之孫也。年

十二。而秦相呂不韋欲使張唐相燕。唐不肯行。

甘羅說而行之。又請車五乘。以使趙還報秦。秦

封甘羅為上卿。賜以甘茂田宅。

陶公疾篤。都無獻替之言。朝士以為恨。陶氏叙

士行。其先鄱陽人。後徙潯陽。侃少。有遠槩。綱維

宇宙之志。察孝廉入洛。司空張華見而謂曰：後

來匡主寧民。君其人也。劉弘鎮河南。取為長史。

謂侃曰：昔吾為羊太傅參佐。見語云：君後當居

劉表辭其佳
丈夫本志及復

履上殿。進太尉。贈大司馬。謚桓公。按王隱晉書

載侃臨終表曰：臣少長孤寒。始願有限。過蒙先

比點世竟甫卷之三

略盡復何求哉
若以修臣
君側有非可必
於身後流俗近
言非有實

劉云似厚似謔

朝歷世異恩臣年垂八十位極人臣啓手啓足
當復何恨但以餘寇未誅山陵未復所以憤慨
兼懷唯此而已猶冀犬馬之齒尚可少延欲爲
陛下比吞石虎西誅李雄勢遂不振良圖永息
臨書撫腕涕泗橫流伏願選代人使必得良
才足以奉宣王猷遵成志業則雖死之日猶生
之年有表若仁祖聞之晉陽秋曰謝尚字仁祖
此非無獻替陳郡人父鯁尚字仁祖
兄哀慟過人及遭父喪溫嶠唁之尚號呼極哀
既而收涕告訴有異常童嶠奇之由是知名仕
至鎮西將軍曰時無豎刁故不貽陶公話言
豫州刺史曰管仲病桓公問曰子如不諱誰代子相
春秋曰管仲病桓公問曰子如不諱誰代子相
者豎刁何如管仲曰自宮以事君非人情必不
果亂齊時賢以爲德音

釋道安俊辯有高才安和上傳曰釋道安者常
出薄柳人本姓衛年十二

作沙門神性聰敏面貌至愜佛圖澄甚重之值
石氏亂於陸渾山修學爲慕容俊所逼乃往襄
陽以佛法東流經籍錯謬更爲條章標序
篇自爲之注解自支道林等皆宗其理自北

來荆州與習鑿齒相見晉中興書曰習鑿
齒字彥威襄陽人道安

因自通曰彌天釋道安習答曰四海習鑿齒當

時以爲名對

竺法深在簡文坐劉尹問道人何以遊朱門答

曰君自見其朱門貧道如遊蓬戶法深不知其
俗姓蓋衣冠

之亂也道徽高扇譽播山東爲中州劉公弟子
值永嘉亂投迹楊中居止京邑內持法綱外允
具瞻弘道之法師也以業慈清淨而不耐風塵
考室刻縣東二百里岬山中同遊十餘人高樓

揚土

棲

七古十一元南卷之三

十三

浩然支道林宗其風範與高麗道人書稱其德
行年七十有九終於山中也高逸沙門傳曰法
師居會稽皇帝重其風德遣使迎焉法師暫出
應命司徒會稽王天性虛澹與法師結殷勤之
歡師雖升履丹墀出入朱戟或云下令別見

補

許玄度將弟出都婚諸人無不欽遲既至見其
弟乃甚癡都欲嘲棄之玄度為作賓主相對劉

眞長笑曰玄度為弟婚施十重鐵步障續晉陽
秋曰許

詢字玄度高陽人魏中領軍兄玄孫總角秀惠
衆稱神童長而風情簡素司徒掾辟不就蚤卒

〇〇

庾法暢造庾太尉握麈尾至佳公曰此至佳那
得在法暢曰麈都不求會都不與故得在耳法

暢康陽庾法

氏族所出未詳法暢著人物論自
叙其美云揚悟銳有神才辭通辯

〇〇

庾穉恭為荊州庾翼別傳曰翼字穉恭潁川
許之兄太尉亮薨朝議推才乃以翼以毛扇上

武帝武帝疑是故物傳咸羽扇賦序曰昔吳人
方圓二扇而功無加然中國莫有生意者滅吳

之後翕然貴之無人不川按庾懌以白羽扇獻
武帝帝嫌其非新侍中劉劭曰文選志曰劭字

反之不聞翼也人祖劭司隸校尉父松成臯令劭博識好學多

藝能善草隸初仕領軍參軍太傅出東劭謂京

州歷侍中豫章太守栢梁雲構工匠先居其下

管絃繁奏鍾夔先聽其音鍾夔樂正穉恭上扇

此點世說新語卷之三

十一

王云按劉公幹
答魏太子書云
夏室初成而大
匠先立其下嘉
禾始熟而農夫
先嘗其粒劭語

一作成帝

本此

以好不以新。庾後聞之曰：此人宜在帝左右。

○ ○ 劉尹云：清風朗月，輒思玄度。晉中興士人書曰：許詢能清言于時

士人皆欽慕仰愛之。

○ ○ 何驃騎亡後，何克徵褚公入。既至石頭，王長史

王長史別傳曰：濛字仲祖，太原晉陽人。其先出自周室。經漢魏世為大族。祖佐北軍中侯，父訥，尚風流雅士。外絕榮競，內寡私欲。辟司徒掾中

書郎。以後父贈光祿大夫。劉尹同詣褚，褚曰：真長，何以處我。

真長顧王曰：此子能言。褚因視王，王曰：國自有

周公。晉陽秋曰：克之卒，議者謂太后父衷宜乘朝政。衷自丹徒入朝，吏部尚書劉遐勸衷

劉云：謂宜遜會稽王也。

曰：會稽王令德國之周公也。足下宜以大政付之。衷長史王胡之亦勸歸藩，於是固辭歸京。

○ ○ 桓公入峽，絕壁天懸，騰波迅急。晉陽秋曰：溫以永和二年率所

領七千餘人伐蜀，拜表輒行。廼歎曰：既為忠臣，不得為孝子。

如何。漢書曰：王陽為益州刺史，行部至邛，轅九折坂，歎曰：奉先人遺體，奈何歎乘此險，以

病去官。後王尊為刺史，至其坂，問吏曰：非王陽所畏之道邪？吏曰：是叱其馭曰：驅之。王陽為孝

子，王尊為忠臣。

○ ○ 桓公北征，經金城，見前為琅邪時種柳，皆已十

圍。慨然曰：木猶如此，人何以堪。攀枝執條，泫然

流淚。

八 正在後八字耳。若止必桓大曰。安語得如此情。

名
三云大都是王
致擊靈靈意

簡文作撫軍時嘗與桓宣武俱入朝更相讓在

前宣武不得已而先之因曰伯也執爎為王前

驅謝詩也爎長一簡文曰所謂無小無大從公

于邁魯頌泮水篇

顧悅與簡文同年而髮蚤白中興書曰悅字君叔晉陵人初為殷

所發必不依許悅固爭之浩果得申物論稱之

後至尚簡文曰卿何以先白對曰蒲柳之姿望

秋而落松柏之質經霜彌茂顧凱之為父傳曰君以直道陵遲於

世入見王王髮無二毛而君已齒白問君年乃

柳之質望秋先零受命之異也王稱善久之

簡文入華林園顧謂左右曰會心處不必在遠

翳然林水便自有濠濮間想也濠濮二水名也

惠子游濠梁水上莊子曰儵魚出游從容是魚

樂也惠子曰子非魚安知魚之樂也莊子曰子

非我安知我之不知魚之樂也莊周釣在濮水

楚王使二大夫造馬曰願以境內累莊子莊子

持竿不顧曰吾聞楚有神龜者死已三千年矣

中笥而藏於廟此寧曳尾於塗中寧留骨而貴

乎二大夫曰寧曳尾於塗中莊覺鳥獸禽魚自

子曰往矣吾亦寧曳尾於塗中來親人

謝大傳語王右軍曰中年傷於哀樂與親友別

焉

班

此點世兌甫卷之三

十六

情
劉云自家潦倒
憂及兒輩其鍾
懼語也此少有
喻者

輒作數日惡王曰文字志曰王羲之字逸少瑯琊臨沂人父曠淮南太守
之趣少朗拔為叔父廡所賞善草隸累遷江州刺史右軍將軍會稽內史
自然至此正賴絲竹陶寫恒恐兒輩覺損欣樂

支道林常養數匹馬或言道人畜馬不韻支曰

貧道重其神駿高逸沙門傳曰支道字道林河內林慮人或曰陳留人本姓關氏少而任心獨往風期高亮家世奉法嘗於餘杭山沈思道行冷然獨踞年二十五始釋形入道年五十三終於洛陽

暢

佛圖澄與諸石遊澄別傳曰道人佛圖澄不知何許人出於燉煌好佛道

劉云謂玩虎於掌中耳
王云今史虎是勒後子

家為沙門永嘉中至洛陽值京師有難潛遁草澤間石勒雄異好殺害因勒大將軍郭默略見勒以麻油塗掌占見吉凶數百里外聽浮圖鈴聲逆知禍福勒甚敬信之虎即位亦師澄號大和尚自知終日開棺無屍唯袈裟法服在焉林公曰澄以石虎為海鷗鳥趙書曰虎字季龍勒從弟也征伐每斬將人好鷗者每曰之海上從鷗游鷗之至者數百而不止其父曰吾聞鷗鳥從汝游取來玩之明日之海上鷗舞而不下

劉尹與桓宣武共聽講禮記桓云時有入心處便覺咫尺玄門劉曰此未關至極自是金華殿之語漢書叙傳曰班伯少受詩於師丹大將軍王鳳薦伯於成帝宜勸學召見宴暱拜為

此點世說補卷之三

十七

劉云以其名
意想其佳耳
王六竟似不滿

〇〇

中常侍時上方向李鄭寬中張禹朝夕
入說尚書論語於金華殿詔伯文之
劉尹云人想王荆產佳此想長松下當有清風

耳荆產王微小字也王氏譜曰微字幼仁琅邪人祖父父平北將軍父澄荆州刺史微歷尚書郎右

軍司馬

王仲祖聞蠻語不解茫然曰若使介葛盧來朝

故當不昧此語春秋傳曰介葛盧來朝魯聞牛鳴曰是生三犧皆用之矣其音

云問之而信杜預注曰介東夷國葛盧其君名也

劉真長為丹陽尹許玄度出都就劉宿牀帷新

麗飲食豐甘許曰若保全此處殊勝東山劉曰

劉云不謂真長
玄度有此謬談
王云二君故復
有此破綻邪

云云逆少執古
改今洛在二老

圖積中矣

古世說吉山中人
下注有春秋傳曰
吉山無門唯人所
召二句

卿若知吉凶由人吾安得不保此王逸少在坐

曰令巢許遇稷契當無此言二人竝有愧色

羊秉為撫軍叅軍少亾有令譽羊秉叙曰秉字

人漢南陽太守續曾孫大父魏郡府君即車騎

掾元子也府君夫人鄭氏無子乃養秉齧齒而

佳小心敬慎十歲而鄭夫人夢秉思容盡哀俄

而公府掾及夫人並卒秉羣從父率禮相承人

不間其親雍雍如也仕參撫軍將軍事將奮于

里之足揮冲天之翼惜乎春秋三十有二而卒

昔罕虎死子產以為無與為善自夫子之沒有

子產之歎矣亡後有子男又不育是何行善而

過繁也豈非司夏侯孝若為之叙文士傳曰湛

馬生之所惑歟文士傳曰湛極相讚

巧思善補雅詞名亞潘岳歷中書侍郎

禍 讚

七估世竟南卷之三

刘云重一語故
悲苦

悼羊權為黃門侍郎侍簡文坐帝問曰夏侯湛
作羊秉叙絕可想是卿何物有後不羊氏譜曰
徐州刺史悅之子權替然對曰亡伯令問風彰
也仕至尚書左丞權替然對曰亡伯令問風彰
而無有繼嗣雖名播天聽然胤絕聖世帝嗟慨
久之

王右軍與謝太傅共登冶城揚州記曰冶城吳
猶不廢王茂時鼓鑄之所吳平

刘云右軍之言
真當時之藥石
謝傳引泰喻曹
亦不類矣
又云惟謝東山
能為此言他人

曰夏禹勤王手足胼胝帝王世紀曰禹治洪水
稱禹步是也手足不相過今文王旰食日不暇給尚書曰文

不近
王云此在謝自
救時急務

于日晏不
遑暇食
今四郊多壘禮記曰四郊多壘宜人

人自效而虛談廢務浮文妨要恐非當今所宜
謝答曰秦任商鞅二世而亡戰國策曰衛商鞅

公孫氏少好刑名學為秦孝公相封於商豈清言致患邪難與俗

荀中郎在京口晉陽秋曰荀羨字令則潁川人

裁少以主簿為駙馬都尉是時殷浩參謀百揆
引羨為援類蒞義興吳郡超授北中郎將徐州
刺史以藩屏焉中興書曰羨年二十八出為
徐兗二州中興方伯之少未有若羨者也登

北固望海云南徐州記曰城西有別嶺入海

雖未覩三山便自使人有凌雲意若秦漢之君

草物史作其物
乃是

李云說邇猶是
遠

○○

必當褰裳濡足史記封禪書曰蓬萊方丈瀛洲此三山世傳在海中去人不遠
嘗有至者言諸仙人不處藥在焉黃金白銀為宮闕草物禽獸盡白望之如雲及至反居水下欲到即風引船而去終莫能至秦始皇登會稽並海上冀遇三神山之奇藥漢武帝既封泰山無風雨變至方士更言蓬萊諸藥可得於是上欣然東至海冀獲蓬萊者

謝公云賢聖去人其間亦邇子姪未之許公歎

曰若邇超聞此語必不至河漢中興書曰超字景興高平人司

空情之子也少卓犖不羈有曠世之度累遷中書郎司徒左長史超別傳曰超精於理義沙明支道林以為一時之俊莊子曰肩吾問於連叔曰吾聞言於接輿大而無當往而不反怪怖其言猶河漢而無極也

而無極也

○○

支公好鶴住郊東岬山支公書曰山去會稽二百里有人遺

其雙鶴少時翅長欲飛支意惜之乃鍛其翮鶴

軒翥不復能飛乃反顧翅垂頭視之如有懊喪

意林曰既有凌霄之姿何肯為人作耳目近玩

養令翮成置使飛去

謝中郎經曲阿後湖問左右此是何水中興書曰謝萬

字萬石太傅安弟也才氣高俊蚤知名歷吏部郎西中郎將豫州刺史散騎常侍答曰

曲阿湖太康地記曰曲阿本名雲陽秦始皇以

使其阿曲故曰曲阿也吳謝曰故當淵注淳著

此點世說補卷之三

二十

霄

納而不流

○ ○ 晉武帝每餉山濤恒少謝太傅以問子弟車騎

答曰當由欲者不然而使與都忘少謝車騎家傳曰玄字

紉度鎮西奕第三子也神理明俊善微言叔父太傅嘗與子姪燕集問武帝任山公以三事任

以官人至於賜予不過斤合當有旨不玄答有辭致也

○ ○ 謝胡兒胡兒謝朗小字也續晉陽秋曰朗字長

發名亞於玄任語庾道季道季庾劼小字徐廣

至東陽太守尉亮子也風情率悟以文談致稱

於時歷仕至丹陽尹兼中領軍諸人莫當就

卿談可望城壘庾曰若文度來我以偏師待之

王中郎傳曰坦之字文度太原晉陽人祖東海太守承清

深孝友天至譽輯朝野標的當時累遷侍中中書令

來濟河焚舟春秋傳曰秦伯伐晉濟河焚舟杜預曰示必死

○ ○ 李弘度常歎不被遇中興書曰李弘度江

美名充初辟丞相掾記室參軍殷揚州別見知

以貧求刺縣遷大著作中書郎窮猿奔林豈暇擇木遂

久已上聞衛詩北門刺窮猿奔林豈暇擇木遂

授刺縣

○ ○ 王司州至吳興印渚中看王胡之別傳曰胡之

字脩齡琅邪臨沂人

北占世說補卷之三

二十一

王虞之子也。歷吳興太守。徵侍中。丹陽尹。祕書

監。並不就。拜使持節都督司州諸軍事。西中郎

將。司州刺史。吳興記曰。於潛縣東七十里。有印

渚。渚旁有白石山。峻壁四十丈。印渚蓋眾溪之

下流也。印渚已上至縣。悉石瀨惡道。不可。歎曰

行船。印渚已下。水道無險。故行旅繁焉。非唯使人情開滌。亦覺日月清明。

袁彥伯為謝安南。謝奉。司馬。都下諸人送至瀨

鄉。將別。既自悽惘。歎曰。江山遼落。屬然有萬里

之勢。續晉陽秋曰。袁宏。字彥伯。陳郡人。魏郎中

起家。建威參軍。安南司馬。記室。大傅謝安。賞宏

機捷辯速。自吏部郎出。為東陽郡。乃祖之於

亭。時賢皆集。安欲卒迫試之。執手。將別。願左右

取一扇而贈之。宏應聲答曰。輒當奉揚仁風。惠

彼黎庶。合坐歎其要捷。性直亮。故位不顯也。在郡卒。

孫綽賦遂初。築室畎川。自言見止足之分。中興

綽字興公。太原中都人。少以文稱。歷太學博士

大著作。散騎常侍。遂初賦叙曰。余少慕老莊之

道。仰其風流久矣。卻感於陵賢妻之言。悵然悟

之。乃經始東山。建五畝之宅。帶長阜。倚茂林。孰

與坐華幕。擊鐘鼓者。齋前種一株松。恒自手壅

同年而語其樂哉。孫統為柔集叙曰。柔字世遠。樂安

治之高世遠。人才理清新。安行仁義。婚泰山胡

母氏女。年二十。既有倍年之覺。而姿色漸衰。近

是上流。婦人柔家。道隆崇。既罷司空。參軍。安固

令。營宅於侯川。馳動之情。既薄。又愛翫賢妻。便

有終焉之志。尚書令何克取為冠軍。參軍。儻俛

應命。眷戀綢繆。不能相切。時亦鄰居。語孫曰。松樹

舍。相贈詩書。清婉辛切。此帖世說南卷之三

三

劉云黯然銷魂。直是注情語耳。未能在能言。

冶

阜

畎。代川。德本。文當。是畎川。

子非不楚楚可憐但永無棟梁用耳孫曰楓柳雖合抱亦何所施

○ ○ 孝武將講孝經謝公兄弟與諸人私庭講習

納執

陽秋曰寧康三年九月九日帝講孝經僕射謝安侍坐吏部尚書陸調兼侍中下耽讀黃門侍郎謝石吏部袁宏兼執經中書郎車胤丹陽尹王混摘句武子續晉陽秋曰車胤字武子南平人父育為郡王簿太守王胡之有知人識裁見謂其父曰此兒當成卿門戶宜資令學問胤就業恭勤博覽不倦家貧不常得油夏月則練囊盛數十螢火以繼日焉及長風姿美劭機悟敏率桓温在荊州取為從事一歲至治中胤既博學多聞又善於激賞當時每有盛坐胤必同之皆云無車公不樂太傅謝公遊集之日開筵以待之累遷丹陽尹護軍將軍吏部尚

叔

難苦問謝謂袁羊曰不問則德音有遺多問

則重勞二謝袁羊喬小字也袁氏家傳曰喬字彥雅陳郡人父瓌光祿大夫喬歷

尚書郎江夏相從桓温平蜀封湘西伯益州刺史

何以知爾袁曰何嘗見明鏡疲於屢照清流憚於惠風

王子敬語王孝伯曰羊叔子自復佳耳然亦何

與人事晉諸公贊曰羊祐字叔子泰山平陽人

也世長吏二千石至祐九世以清德稱

為兒時遊汝濱有行父止而觀焉歎息曰處士

貴無相忘遂去莫知所在累遷都督荊州諸軍

劉云此亦戲言謂羊公清德自佳而已不如銅雀妓可以娛人耳目又云此正墮淚

此點世說補卷之三

二三

之言人不能識

耳

王云羊公盛德

此語殊傷于敬

之厚

劉云如此四字

極似無謂亦有

可思

州人聞公喪故不如銅雀臺上妓魏武遺令曰

號哭罷市人皆著銅雀臺上施六尺牀總

帷月朝十五日輒使向帳作伎

林公見東陽長山曰何其坦迤會稽土地志曰

顧長康從會稽還人問山川之美顧曰千巖競

秀萬壑爭流草木蒙籠其上若雲興霞蔚丘淵

章錄曰顧愷之字長康晉陵人父悅尚書左丞愷之義熙初為散騎常侍

王子敬云從山陰道上行會稽土地志曰邑

川自相映發使人應接不暇若秋冬之際尤難

會

為懷稽郡記曰會稽境特多名山水峰嶽

徽清流瀉注王子敬見之曰山水之美使人應接不暇

桓征西治江陵城甚麗盛弘之荊州記曰荊州

王被徵出城北門而車軸折父老泣曰吾王去不還矣從此不開其門會賓僚出

江津望之云若能目此城者有賞顧長康時為

客在坐目曰遙望層城丹樓如霞桓即賞以二

婢

宣武移鎮南州制街衢平直人謂王東亭曰王

徒傳曰王珣字元琳丞相導之孫領軍洽之子

也少以清秀稱大司馬桓温辟為主簿從討袁

二下四

李云亦是虎頭

北

○○

○○

批點世說補卷之三

真封交趾望海縣東亭侯。累遷尚書左僕射。領選進尚書令。丞相初營建康。

無所因承而制置紆曲。方此為劣。晉陽秋曰。蘇峻既誅。大事

克平之後。都邑殘荒。温嶠議徙都豫章。以即豐全朝士及三吳豪傑。謂可遷都會稽。王導獨謂

不宜遷都。建業往之。秣陵古者既有帝王所治之表。又孫仲謀劉玄德俱謂是王者之宅。今雖

凋殘。宜修勞來旋定之道。鎮靜羣情。且百堵皆作。何患不克復乎。終至康寧。導之策也。東

亭曰。此丞相乃所以為巧。江左地促。不如中國。

若使阡陌條塲。則一覽而盡。故紆餘委曲。若不

可測。

謝太傅問諸子姪子弟。亦何預人事。而正欲使。

其佳。諸人莫有言者。車騎答曰。譬如芝蘭玉樹。

欲使其生於階庭耳。

道壹道人好整飾音辭。王珣遊嚴陵瀨詩叙曰。道壹姓竺氏。名德沙門。

劉云小兒學語。禮格未成。利維說言固不虛。唯茲壹公。綽然有餘。譬若春圃。載芬載敷。條柯倚蔚。枝幹扶疎。從都下還東山。經吳中。已而會

雪下。未甚寒。諸道人問在道所經。壹公曰。風霜

固所不論。乃先集其慘澹。郊邑正自飄瞥。林岫

便已皓然。

張天錫為涼州刺史。稱制西隅。既為苻堅所禽。

此點世說補卷之三 二十五

王云世乃有三
字字不可曉後
過江為人所吹
滅一字

沒

用為侍中後於壽陽俱敗至都張資涼州記曰天錫字公純

安定烏氏人張耳後也曾祖軌永嘉中為涼州刺史值京師大亂遂據涼州天錫篡位自立為涼州牧苻堅使將姚萇攻沒涼州天錫歸長安

堅以為侍中比部尚書歸義侯從堅至壽陽堅軍敗遂南歸拜散騎常侍西平公中興書

曰天錫後以貧拜廬江太守薨贈侍中為孝

武所器每入言論無不竟日頗有嫉已者於坐

問張北方何物可貴張曰桑椹甘香鴟鴞革響

詩魯頌曰翩彼飛鴞集于泔酪養性人無嫉心

泔林食我桑椹懷我好音

好但寫酪置革上都不解散也

毛伯成既負其才氣常稱寧為蘭摧玉折不作

蕭敷艾榮征西寮屬名曰毛玄字伯成

王中郎令伏玄度伏見習鑿齒論青楚人物集

載其論略曰潘以春秋時鮑叔管仲隰朋召忽

輪扁甯戚麥丘人逢丑父晏嬰涓子戰國時公

羊高孟軻鄒衍田單荀卿鄒奭莒大夫田子方

檀子魯連淳于髡盼子田光顏歛黔子於陵仲

子王叔即墨大夫前漢時伏徵君終軍東郭先

生叔孫通萬石君東方朔安期先生後吳時犬

司徒伏三老江革逢萌禽慶承幼子徐防薛友

鄭康成周子孟玉劉祖榮臨孝存侍其元矩孫寶

碩劉仲謀劉公山王儀伯郎宗禰正平劉成國

魏時管幼女兩根矩華子魚徐偉長任昭先伏

高陽此皆青士有木德者也鑿齒以神農生於

黔中邵南詠其美化春秋稱其多才漢廣之風

漢後疑當化後

劉云恨甚

此點世兌南卷之三

三六

市南宜僚屠羊說之不為利回曾仲連不及老

萊夫妻田光之於屈原鄧禹卓茂無敵於天下
管幼安不勝龐公龐士元不推華子魚何登二
尚書獨步於魏朝樂令無對於晉世昔伏羲葬
南郡少昊葬長沙舜葬零陵比其人則準的如
此論其女則羣聖之所葬考其風則詩人之所
歌尋其事則未有赤眉黃巾之賊此何臨成以
如青州耶迥與相往反鑿齒無以對也

示韓康伯康伯都無言王曰何故不言韓曰無

可無不可馬融注論語曰惟義所在

司馬太傅齋中夜坐孝文王傳曰王諱道子簡文帝第五子也封會稽

王領司徒揚州刺史進太傅為桓玄所害贈丞相于時天月明淨都無

纖翳太傅歎以為佳謝景重在坐續晉陽秋曰謝重字景重

李云亦自佳

李王又佳

陳郡人父朗東陽太守重明秀有才會終驃騎長史答曰意謂乃不如微雲點綴太傅因戲謝曰卿居心不淨乃復彊欲滓穢太清邪

桓南郡問謝夫人婦人集曰謝夫人名道韞謝太傅大兄無奕女左將軍王

復不終其理云何夫人答曰亡叔先正以無用

為心隱顯為優劣始末正當動靜之異耳

桓靈寶玄小名也征殷仲堪道出廬山豫章舊志曰廬山

越君長與吳芮助漢定天下野王亡軍中漢

北點世克補卷之三

裕

見古世說批詞注
屬引婦人集疑當

八年封俗。鄆陽男。食邑茲部。印曰廬君。俗兄弟
 七人。皆好道術。遂寓于洞庭之山。故世謂廬山。
 孝武元封五年。南巡狩。浮江。親覩神靈。乃封俗
 為大明公。四時秩祭焉。遠法師廬山記曰。山在
 江州潯陽郡。左挾彭澤。右傍通川。有匡俗先生。
 出自殷周之際。遁世隱時。潛居其下。或云匡俗
 受道於仙人。而共遊其嶺。遂託室崖岫。即巖成
 館。故時人謂為神仙之廬。而命焉。法師遊山記
 曰。自託此山。二十三載。再踐石門。四遊南嶺。東
 望香鑪峰。北眺九江。傳聞有石井。方湖。中有赤
 鱗。踊出。野人不能叙。直嘆其奇而已矣。伏滄遊
 廬山序曰。廬山者。江陽之名嶽。蟠根所據。亘數
 百里。重嶺傑嶂。仰捕雲。因詣遠公。語次及征討
 之意。遠不答。又問何以見願。遠曰。願檀越安穩。
 使彼亦復無他。桓出山。語左右曰。實乃生所未

見

張野遠法師銘曰。沙門釋惠遠。雁門樓煩人。本姓賈氏。世為冠族。年十二。隨舅令狐氏遊

學許洛。年二十一。欲南渡。就范甯子學道。隨不
 通。遇釋道安。以為師。抽簪落髮。研求法藏。釋曇
 翼每資以燈燭之費。誦鑿淹遠。高悟冥曠。安常
 歎曰。道流東國。其在遠乎。襄陽既沒。振錫南遊。
 結宇靈嶽。自年六十。不復出山。名被流沙。彼國
 僧眾。皆稱漢地有大乘沙門。每至然香禮拜。輒
 東向致敬。年八十三而終。慧皎高僧傳曰。
 慧遠至潯陽。見廬峰清靜。始任龍泉精舍。

桓玄既篡位。將改置直館。問左右。虎賁中郎省

應在何處。有人答曰。無省。當時殊忤旨。問何以

知無。答曰。潘岳秋興賦叙曰。余兼虎賁中郎將。

寓直散騎之省。岳別見。其賦叙曰。晉十有四年。

此點世說補卷之三

王云為詳

掾兼虎賁中郎將。寓直散騎之省。高閣連雲。陽
景罕曜。僕野人也。猥廁朝列。譬猶池魚籠鳥。有
江湖山數之思。於是染翰操紙。慨然而賦。于時秋至。故以秋興命篇。**玄咨嗟稱善。**
劉謙之。晉紀曰。玄欲復虎賁中郎將。疑應直與
不訪之僚佐。咸莫能定。參軍劉簡之對曰。昔潘
岳秋興賦叙云。余兼虎賁中郎將。寓直于散騎
之省。以此言之。是應直也。玄懼然從之。此語微
異。又答者未知姓名。故詳載之。

○ ○ **謝靈運好戴曲柄笠。**

丘淵之新集錄曰。靈運陳郡陽夏人。祖玄。車騎將軍。父瓌。祕書郎。靈運襲封康樂公。歷祕書監。侍中。臨川內史。以罪開伏誅。沈約宋書曰。靈運少好學。博覽羣書。文音下之美。江左莫逮。**孔隱士** 孔淳之別見。 **謂曰。卿欲希心**

高遠。何不能澹心曲。蓋之貌。謝答曰。將不畏影者。

未能忘懷。

莊子云。漁父謂孔子曰。人有畏影惡走。逾疾而影不離。自以尚遲。疾走不休。絕力而死。不知處陰以休影。處靜以息跡。愚亦甚矣。子脩身而求之人。不亦外事者乎。

李卓吾批點世說新語補卷之三

批點世說新語補卷之三

累

世說新語補卷之四

李卓吾批點世說新語補卷之四

宋 劉義慶 撰

梁 劉孝標 注

宋 劉辰翁 批

明 何良俊 增

王世貞 刪定

王世懋 批釋

李 贄 批點

張文柱 校注

世說新語補卷之四

言語下

〇〇補

殷仲文 續晉陽秋曰仲文字仲文陳郡人祖融太常父康吳興太守仲文為桓玄咨議

參軍時王謐見禮而不親下範之被親而少禮其寵遇隆重兼於王下矣玄篡位以佐命親貴輿馬器服窮極綺麗妓妾數十絲竹不絕音性甚貪吝多納賄賂家累千金常若不足玄敗先投義軍遷侍中勸宋武帝畜伎帝曰我不解聲尚書以罪伏誅

仲文曰但畜自解帝曰畏解故不畜 宋書曰帝姓劉氏諱

裕受晉禪清簡寡慾未嘗視珠玉輿馬之飾後庭無統綺絲竹之音在位三年

〇補

王韶之少家貧而好學嘗三日絕糧執卷不輟家人謂之曰因窮若此何不耕王徐答曰我常

李云俗者更好

李云無味

自耕耳 沈約宋書曰王韶之字休泰琅琊臨沂人曾祖庾晉驃騎將軍祖羨之鎮軍掾

父偉之即中令韶之家貧父為烏程令因居縣境好史籍博涉多聞初為衛將軍謝琰行參軍

〇補

戴仲若春日攜雙柑斗酒人問何之答曰往聽黃鸝聲此俗耳 針砭詩腸鼓吹宋書曰戴顓字仲若譙郡鉅人

戴逵子也

〇〇補

宋世祖 宋書曰帝名駿嘗賜謝中書寶劔 宋書曰謝

莊字希逸陳郡陽夏人太常弘微子也七歲能屬文仕至光祿大夫卒謚憲子南史曰莊韶令

美風儀宋文帝見而異之謝以與魯豫州送別曰藍田生玉豈虛也哉

宋書曰魯爽小名女生扶風郡人祖宗之父軌爽少有武藝世祖以為左軍將軍都督豫州諸

李云只此甚妙

批點世說補卷之四

軍事與南郡王義宣作逆薛後魯作逆世祖嘗

因宴集問劔所在謝曰昔與魯爽別竊為陛下

杜郵之賜世祖大悅史記曰秦攻趙邯鄲武安君不肯行於是免武安君

為士伍遷之陰密至杜郵使使者賜之劔自殺

○補元凶篡立宋書曰元凶劭字休遠文帝長子也與始興王濬同謀弒逆世祖入討劭

伏以顏延之為光祿大夫沈約宋書曰顏延之字延之琅琊人晉先

祿大夫舍之曾孫好讀書無所不覽文章之美冠絕當時吳國內史劉柳以為行軍參軍後為

監先是延之于竣為世祖參軍及義師入討

竣參定密謀兼造書檄劭召延之示以檄文問

此延之所以能友陶淵明也

曰此筆誰所造延之曰竣之筆也問何以知之

延之曰竣筆體臣不容不識又問言辭何至乃

爾延之曰竣尚不顧有老父何緣復有陛下劭

意遂釋姓氏英賢錄曰顏竣字士遜延之長子也少有令譽為宋孝武撫軍主簿甚被

知遇竣盡心補益孝武鎮潯陽遷南中郎記室及文帝崩問至孝武舉兵入討轉諮議參軍領

軍錄

○補謝孺子特善聲律南史曰孺子陳郡陽夏人祖景仁左僕射父恂鄱陽太守

孺子少與族兄莊齊名多藝能尤善聲律家貧求為西陽太守

桐臺孺子吹笙王自起舞既而歎曰真使人飄

此點世說補卷之四

有伊洛間意南史曰王或字景文與明帝諱同故以字行祖穆司徒謚之長

兄父僧朗尚書景文美風姿好言理少與謝莊齊名為從叔球所知

補

王侍中嘗因侍宴

南史曰王份字季文瑯琊人祖僧朗宋尚書僕射父粹黃

門侍郎份歷官侍中丹陽尹

高祖問羣臣朕為有為無侍中

答曰陛下應萬物為有體至理為無

梁書曰帝姓蕭氏諱

衍代齊立四十八年而崩

補

蕭引書法適逸

南史曰蕭引字叔休南蘭陵人曾祖思話祖惠休父介並有名

引方正有器度聰敏博學善屬文仕梁位西昌侯主簿侯景之亂南奔嶺表北還拜尚書金部

郎陳宣帝嘗指其署名語諸人曰此字筆勢翩翩

似鳥之欲飛引答曰此乃陛下假其羽毛

陳書

曰帝名頊始興王子臨海王廢乃承大統

〇〇補

徐孝穆使魏魏人授館宴賓是日甚熱主客魏

收嘲孝穆曰今日之熱當由徐常侍來

南史曰徐陵字

孝穆東海郟人徐摛子也母臧氏夢五色雲化為鳳集左肩上已而誕陵十三通老莊義及長博涉史籍美文辭官至中書監領太子詹事

孝穆從容答曰前王肅

至此為魏始制禮儀今我來聘使卿復知寒暑

衿

北史曰王肅字恭懿瑯琊沂人父魚齊雍州刺史肅少聰辯涉獵經史頗有大志位祕書丞父魚為齊武帝所殺肅自建鄴來奔孝文虛務待之引見問故肅辭義敏切辯而有體帝甚哀

北點世說補卷之四

四

補 剛之官散騎常侍揚州刺史

○補

魏佛助 北史曰魏收字伯起小字佛助鉅鹿下曲陽人少機警不持細行隨父在邊好

習騎射後折節讀書以文華 盛譽盧思道 北齊書曰

顯除太學博士至中書監 盧思道 字子行聰爽俊辯年十六中山劉松為

人作碑以示思道思道多所不解乃感激讀書

師事邢子才後復為文示松松乃不能甚解因

就魏收求異書才學兼著然不持操行好輕侮

人天保中魏史成思道多所非毀由是再被答

辱落泊不調楊遵彥薦於朝解褐司空行參軍

兼散騎侍郎 以詢祖為不及詢祖曰見未能高飛者

借其羽毛知逸勢冲天者剪其翅翮 李百藥齊書曰盧詢

祖范陽涿人祖父偉封大夏男父恭道蚤卒詢

祖襲爵有術學文辭華美為後生之俊舉秀才

官司徒記室

○補

薛道衡嘗遊鍾山開善寺 隋書曰道衡字玄卿

孤專精好學及長才名益著河東裴獻目之曰

鼎遷河朔吾謂關西孔子罕遇其人今復遇薛

君矣官至 謂一沙彌曰金剛何為努目 法苑珠

司隸大夫 方有神人相貌猙獰身披金甲手持寶

何為低眉 金剛經註云菩薩猶儒者仁人君子之

稱沙彌答曰金剛努目所以降伏四魔 婆娑論

被

○補

○補

○補

○補

○補

○補

○補

○補

此點世說補卷之四

慈悲六道華嚴經云。六道皆有罪過。謂天道。人道。魔道。地獄道。餓鬼道。畜生道。衡憮然稱善。

補

楊遵彥北史曰。楊愔字遵彥。弘農華陰人。楊津子也。小名秦王。兒童時。口若不能言。而

風度深敏。六歲舉史書。十一受詩易。好左氏春秋。仕至開府儀同三司。尚書右僕射。典選

時以六十人為一甲。楊令其自叙訖。不省文簿。

便次第呼之。嘗誤以盧士深為士琛。士深自言

其名。遵彥曰。盧郎朗潤。所以加玉。東魏以楊愔

典選。愔令選人自敘。不省文簿。次第呼之。嘗誤呼慕容為長孫。一人而已。有選人魯漫漢。自言

微賤。不蒙記。愔曰。卿前在元子思坊。乘驢逢我。我。不下。以方麴障面。我何不識卿。和漫漢驚。眼

王云遵彥與言華哀因誤加幸賞便是士深之

○補北使李諧至南

北史曰。李諧字虔和。父平尚書僕射。諧幼有風采。趙郡李搔嘗

見之曰。領軍門下。見一神人。襲爵彭城侯。歷位中書侍郎。天平末。魏欲與梁和好。以諧聘焉。梁

武謂左右曰。卿輩嘗言北梁武與之遊歷。至放

生處。帝問曰。彼國亦放生否。諧答曰。不取亦不

放。帝大慚。郡國志曰。潤州長命州。梁武帝放生處。

○補

賈思伯至性謙和。遇士大夫。雖在街道。停車下

馬。接誘恂恂。曾無倦色。客曰。公今貴重。寧能不

驕。思伯曰。衰至便驕。何常之有。當時以為雅言。

北史曰。賈思伯字仕休。齊郡益都人。與弟思同師事北海陰鳳。業竟無資。酬之。鳳質其衣物。時

王云人謂驕由盛耳不知乃由衰此語故有味

北帖世說補卷之四

六

世說新語卷之四

人爲之語曰。陰生讀書不免癡。不識雙鳳脫人衣。思伯累遷中書侍郎。爲孝文所知。

補潘師正居嵩山逍遙谷高宗召問所須師正對

曰臣所須者茂松清泉山中不乏唐書曰潘師正趙州贊皇

人少以孝聞大業中度爲道士師事王知遠清淨寡欲居嵩山積二十年但服松葉飲水而已

卒贈體元先生

補田游巖頻召不出高宗幸嵩山親至其門游巖

野服出拜儀止謹樸帝問先生比佳否游巖對

曰臣所謂泉石膏肓煙霞痼疾唐書曰田游巖京兆三原人初

補太學生後罷歸遊太白山遇林泉會意歸蓮不能去母及妻子並有方外之志同遊山水二

上餘年後入箕山就許由廟東築室而居帝後營奉天宮游巖先居官側特令勿毀仍題白處士田游巖宅

補天后嘗召徐有功唐書曰徐有功國子博士文

參軍爲政寬仁不行杖罰吏人感其恩信通相約曰若犯徐司法杖者衆斥罰之由是終於代

一責之曰公比斷獄多失出何邪有功答

曰失出臣小過好生陛下大德劉餗隋唐嘉話曰徐大理有功

見武后將殺人必據法廷爭嘗與后反覆辭色愈厲后大怒令拽出斬之猶廻顧曰臣雖死法

終不可改至市臨刑得免除名爲庶人如是再三終不挫折朝廷倚賴至今懷之其子預選有

司皆曰徐公之子豈可拘以常調者乎

此點世說補卷之四

諫

補

陸羽 宋祁隱逸傳曰陸羽字鴻漸一名疾字季疵復州竟陵人不知所生有僧得諸水濱既長以易自筮得蹇之漸曰鴻漸於陸其羽可用為儀乃以陸為氏名而字之隱若溪自稱桑苧翁闔門著書或獨行野中誦詩擊木徘徊不得意或動哭而歸時謂今接輿也

志和 孰與往來 志和曰太虛為室明月為燭冥

四海諸公共處未嘗少別何有往來 唐詩紀事曰張志和

字子周婺州人母夢楓生腹上而產志和十六擢明經肅宗時貶南浦尉不復仕居江湖自稱煙波釣徒著玄真子兄鶴齡恐其遁世為築室越州東郭與陸羽往還李德裕稱志和隱而存名顯而無事不窮不達嚴光之比云

補

寇萊公鎮大名北使至語寇曰相公望重何故

不在中書寇曰主上以朝廷無事北門鎖鑰非

準不可 寇萊公遺事曰公諱準字平

在辭色激昂舉止無畏上壯之命有司記姓名後二年進士及第寔以貴顯

補

王荆公作相裁損宗室恩數宗子相率馬首陳

狀云均是宗廟子孫那得不看祖宗面荆公厲

聲曰祖宗親盡亦祧何況賢輩於是皆散去 五朝

名臣言行錄曰王安石字介甫撫州人位至丞相左僕射封荆公追贈舒王

補

王介甫嘗見舉燭因言佛書有日月燈光佛

燈光豈得配日月呂吉甫曰日昱乎晝月昱乎

今南河以不知

三云此經中語

此點世說補卷之四

然吾用自是意
美人

夜燈光昱乎晝夜日月所不及其用無差別介

甫大以為然東都事略曰呂惠卿字吉甫泉州晉江人為集賢校勘王安石領制

置三司條例司以惠卿為檢詳安石去位薦為參知政事

○補馮當世知并州東都事略曰馮京字當世鄂州江夏人幼雋邁不羣舉進士自

動一化弼

鄉選至廷對俱第一宰相富弼京之婦翁也京知制誥日韓琦為相京數月不一見琦謂其傲以語動弼使往見之京曰公為宰相而京不安諸公者乃所以重公也豈傲哉官參知政事謚簡以書寄王平甫曰并門歌舞妙麗閉目不窺

李云王安國尚有家學

日以譚禪為上平甫答曰若如所論未達禪理閉目不窺已是一種公案王介甫撰王平甫志曰安國字平甫臨川

人熙寧間歷官大理寺丞

○補黃太史云士大夫三日不讀書則理義不交於

胷中便覺面貳可憎語言無味山谷年譜曰公諱庭堅字魯直

分寧人治平丙午赴鄉舉詩題出野無遺賢廬陵李詢讀先生詩中兩句云渭水空藏水傳嚴

深鎖煙擊節稱賞云此人不惟文理冠場異日當以詩名擅四海遂膺首選歷官著作佐郎兼

史館

政事

陳仲弓為太丘長有劫賊殺財主主者捕之未至發所道開民有在草不起子者回車往治之

政事 聞

者一不簿

此點世說補卷之四

主簿曰賊大宜先按討仲弓曰盜殺財主何如
骨肉相殘按後漢時賈彪有此事不聞寔也

○補

孔君魚為姑臧長清儉逼下有譏之者答曰奮
身處脂膏不能自潤東觀漢記曰孔奮字君魚扶風茂陵人守姑臧長惟

老母極膳妻

補

龐仲達為漢陽太守司馬彪續漢書曰龐參字仲達河南緱氏人官至大
郡人任棠有奇節隱居教授仲達到先候之

字云大無味心曾請道來也

棠不交言但以薤一大本水一盂置戶屏前自
抱孫兒伏於戶下主簿白以為倨仲達思其微

意良久曰棠是欲曉太守水者欲吾清拔大本

薤者欲吾擊強宗抱兒當戶欲吾開門恤孤也

歎息而還仲達在職抑強助弱果以惠政得民

後漢書曰永壽中太尉黃瓊上疏曰伏見處士巴郡黃錯漢陽任棠年皆耆耋者有作者七人之

志宜見引致助崇大化詔公車徵棠竟不至

○補 任延為會稽都尉時年十九迎官驚其壯及到

白 靜無為惟先遣饋禮祠延陵季子范曄後漢書曰任延

長孫南陽宛人年十二為諸生學於長安明

以易春秋顯名太學上中號為任聖童更始中拜會稽都尉

世說新語卷之四

補

孔文舉在北海時教高密令曰志士鄧子然告
困焉得愛釜庾之間以傷烈士之心與且三斛
後乏復言

○

賀太傅作吳郡初不出門吳中諸強族輕之乃

題府門云會稽雞不能啼環濟吳紀曰賀邵字

齊父景並歷美官邵歷散騎常侍賀聞故出行

王云賀公雅工恐不當爾

至門反顧索筆足之曰不可啼殺吳兒於是至

諸屯邸檢校諸顧陸役使官兵及藏逋亡悉以

事言上罪者甚眾陸抗時為江陵都督吳錄曰抗字幼

劉云謂以此故丁都不成語

然後得釋吳郡人丞相遜子孫策外孫也故下請孫皓

山司徒前後選殆周遍百官舉無失才凡所題

目皆如其言惟用陸亮是詔所用與公意異爭

之不從亮亦尋為賄敗晉諸公贊曰亮字長興

兄也性高明而率至為賈充所親待山濤為左

僕射領選濤行業既與充異自以為世祖所敬

選用之事與充咨論充每不得其所欲好事者

說充宜授心腹人為吏部尚書參同選舉若意

不齊事不得諧可不召公與選而實得敘所懷

充以為然乃啓亮公忠無私濤以亮將與已異

又恐其協情不允啓亮可為左丞相非選官

未世祖不許濤乃辭疾還家亮在職果不能允

此點世說補卷之四

廿一

坐事 免官

王安期為東海郡小吏盜池中魚綱紀推之王

曰文王之囿與眾共之孟子曰齊宣王問文王

是其大乎對曰民猶以為小也王曰寡人之囿

方四十里民猶以為大何邪孟子曰文王之囿

芻蕘者往焉與民同之民以為小不亦宜乎今

王之囿殺麋鹿者如殺人罪是以四十里為

於國中也民以池魚復何足惜

嵇康被誅後山公舉康子紹為祕書丞山公啓

選祕書丞濤薦曰紹平簡溫敏有文思又曉音

當成濟也猶宜先作祕書郎詔曰紹如此便可

劉云也是語言不當入政事可

被法選官不敢舉年二十八出濤紹咨公出處

啓用之世祖發詔以為祕書丞公曰為君思之久矣

竹林七賢論曰紹懼不自天地四時猶有消息而况人乎王隱晉書曰紹

容將解褐故咨之於濤才山濤啓 武帝云云

王丞相拜揚州賓客數百人竝加霑接人人有

說色惟有臨海一客姓任語林曰任名顯時及

數胡人為未洽公因便還到過任邊云君出臨

海便無復人任大喜悅因過胡人前彈指云蘭

閣蘭閣羣胡同笑四坐竝懽晉陽秋曰王導接

李三第一美政

此語世兒補卷之四

十二

雖疎交常賓一見多輸寫款
誠自謂為導所遇同之舊暱

○ ○ 王安期作東海郡吏錄一犯夜人來王問何處

來云從師家受書還不覺日晚王曰鞭撻寧越

以立威名恐非致理之本呂氏春秋曰甯越者

之勞謂其友曰何為可以免此苦也其友曰莫

如學也學三十歲則可以達矣甯越曰請以十

五歲人將休吾不敢休人將休吾不使吏送令

○ ○ 陸太尉詣王丞相咨事過後輒翻異王公怪其

如此後以問陸陸玩別傳曰玩字士瑤吳郡吳

人祖瑁父英仕郡有譽玩器量

淹雅累遷侍中尚書左陸曰公長民短臨時不

僕射尚書令贈太尉知所言既後覺其不可耳

○ ○ 丞相嘗夏月至石頭看庾公庾公正料事丞相

云暑可小簡之庾公曰公之遺事天下亦未以

為允殷羨言行曰王公薨後庾冰代相網密刑

峻羨時行遇收捕者於途慨然歎曰丙吉

問牛喘似不爾嘗從容謂冰曰卿輩自是綱目

不失皆是小道小善耳至如王公故能行無理

事謝安石每歎詠此唱庾亦王曾問羨王公治

何似詎是所長羨曰其餘令績不復稱論然三

○ ○ 丞相末年略不復省事正封籙諾之自歎曰人

此點世兒浦卷之四

十一

劉云高其時或
自有見以為政
事法則不可

言我憤憤後人當思此憤憤

徐廣歷紀曰導阿
衡三世經綸夷險

政務寬恕事從簡易
故垂遺愛之譽也

陶公性檢厲勤於事

晉陽秋曰侃練核庶事勤
務稼穡雖戎陳武士皆勤

厲之有奉饋者皆問其所由若力役所致懼喜
謝賜若他所得則呵辱還之是以軍民勤於農
稼家給人足性纖密好問頗類趙廣漢嘗課營
種柳都尉夏施盜拔武昌郡西門所植侃後自
出駐車施門問此是武昌西門柳何以盜之施
惶怖首伏三軍稱其明察侃勤而整自強不息
又好督勸於人常云民生在勤大禹聖人猶惜
寸陰至於凡俗當惜分陰豈可遊逸生無益於
時死無聞於後是自棄也又老莊浮華非先王
之法言而不敢行君子當正其衣冠攝以威儀
何有亂頭養望自謂宏達邪仲興書曰侃嘗檢
校佐吏若得樛蒲蒲葵之具投之曰樛蒲老子

入胡所作外國戲耳陶器堯舜以教愚子博
糾所造諸君國器何以為此若王事之服患邑
邑者文士何不讀書武士
何不射弓談者無以易也作荊州時勅船官悉

錄鋸木屑不限多少咸不解此意後正會值積

雪始晴廳事前除雪後猶濕於是悉用木屑覆

之都無所妨官用竹皆令錄厚頭積之如山後

桓宣武伐蜀裝船悉以作釘又云嘗發所在竹

篙有一官長連根取之仍當足乃超兩階用之

簡文為相事動經年然後得過桓公甚患其遲

常加勸勉太宗曰一日萬幾那得速

尚書臯陶
謨一日萬

劉云謂就連竹
根以為篙以代
缺足

劉云一日萬幾
正欲速

王云簡文能言謝
幾孔安國曰幾微也
安石以為惠帝之
言當戒懼萬事之微
死其言也

王劉與林公共看何驃騎

晉陽秋曰何充字次道廬江人思韻淹通

有文義才情累遷會稽內史侍驃騎看文書不

中驃騎將軍揚州刺史贈司徒顧之王謂何曰我

今故與林公來相看望卿擺撥常務應對玄言

那得方低頭看此邪何曰我不看此卿等何以

得存諸人以爲佳

何驃騎作會稽虞存弟審作郡主簿

孫統存謀敘曰存字

道長會稽山陰人也祖陽散一常侍父偉州西曹存幼而卓拔風情高逸歷衛軍長史尚書

部郎范汪棋品曰審字道真仕至郡功曹以何見客勞損欲曰斷常

客使家人節量擇可通者作白事成以見存存

時爲何上佐正與審共食語云白事甚好待我

食畢作教食竟取筆題白事後云若得門庭長

如郭林宗者當如所白泰別傳曰泰有人倫鑒識題品海內之士或在

幼童或在里肆後皆成英彥六十餘人自汝何著書一卷論取士之本未行遭亂亡失

處得此人審於是止

桓公在荊州全欲以德被江漢恥以威刑肅物

溫別傳曰溫以永和元年自徐州遷荊州刺史在州寬和百姓安之令史受杖正

此點世說補卷之四

從朱衣上過桓式年少從外來式桓歆小字也

叔道温第三子仕至尚書云向從閣下過見令史受杖上稍

雲根下拂地足意譏不著桓公云我猶患其重

殷浩始作揚州浩別傳曰浩字淵源陳郡長平人祖識濮陽相父羨光祿勳浩

少有重名仕至揚州刺史中軍將軍中興書曰

建元初度亮兄弟何充等相尋薨太宗以撫軍

輔政徵浩為揚州劉尹行日小欲晚便使左右取

僕人問其故答曰刺史嚴不敢夜行

謝公時兵廝逋亡多近竄南塘下諸舫中或欲

求一時搜索謝公不許云若不容置此輩何以

為京都續晉陽秋曰自中原喪亂民離本域江

立六元中外禦強氏蒐簡民實三吳頗加澄檢

正其里伍其中時有山湖適逸往來都邑者後

將軍安方接客時人有於坐言宜糾舍藏之失

者安每以厚德化物去其煩細又以強寇入境

不宜加動人情乃答之云卿所憂在於

客耳然不爾何以為京都言者有慚色

王東亭與張冠軍善續晉陽秋曰張玄之字祖

以學顯歷吏部尚書出為冠軍將軍吳興太守

會稽太守謝玄同時之郡論者以為南北之望

玄之名亞謝玄時亦王既作吳郡人問小令曰

稱南北二玄卒於郡續晉陽秋曰王珣代之時人

謂大小王令珣別傳曰珣字季琰瑯琊人丞相

出兄珣右累遷侍中中書令贈太常東亭作

此點世說補卷之四

廿六

複

劉云襪如今人包復之類王云襪被也

劉云此語有司有不可遊手尚

可客正不可

王云此似非愛兄之言

李云此是一等
治化

郡風政何似答曰不知治化何如惟與張祖希
情好日隆耳

〇〇補

孔思遠為後軍府長史雖醉日居多而曉明政
理醒時判決未嘗有壅眾咸曰孔公一月二十
九日醉勝世人二十九日醒

李云非戲也

〇補

劉玄明甚有吏能歷建康山陰令政常為天下
第一南史曰劉玄明臨後傳翽代為山陰問玄

明日願以舊政告新令尹玄明答曰我有奇術

卿家譜所不載南史曰傳翽北地靈州人祖僧
祐山陰令父琰為建康山陰令

並著能名二縣謂之傳聖翽位至驃騎諮議
平仲續世說曰諸傳有理縣譜子孫相傳不以

示臨別當以相示既而言作縣令惟日食一升
飯而不飲酒此第一策也

〇〇補

蘇瓊為清河太守清慎無私有沙門道研求謁
意在理債瓊每見則談問玄理道研無由啓口

弟子問其故道研曰每見府君徑將我入青雲

間無由得論地上事遂焚其券北史曰蘇瓊字
珍之長樂武強

人父備魏衛尉瓊隨父在邊東荆州刺史曹芝
著為長流參軍齊文襄引為刑獄參軍每加勞
勉

世黑七言

○補楊得幹為萬年令高宗朝有宦官恃寵放鷄不

避人禾稼德幹杖之二十悉拔去鷄頭宦者涕

泣袒背以示帝帝曰情知此漢儻何須犯他百

姓宋祁唐書曰洛陽令楊德幹矜酷烈殺人以

立威歷澤齊汴相四州刺史時語曰寧食三年炭不逢

○補宋廣平愛民惜物朝野歸美人咸謂有脚陽春

劉昫唐書曰宋璟邢州南和人其先自廣平徙焉璟少耿介有大節博學攻文翰弱冠舉進士

累轉鳳閣舍人當官正色則天甚重之玄宗朝累官尚書左丞相封廣平郡公

○補

玄宗嘗賜醕三日漢書注曰漢律三人以上無故飲酒罰金四兩故以賜醕

李節此是樂

甬奏樂

為惠澤唐無醕禁賜醕者上御五鳳樓觀者喧

溢樂不得奏金吾曰挺如雨不能遏止上患之

高力士唐書曰高力士馬益曾孫也冒姓高氏

同三司後除武后勅給事左右玄宗時歷進開府儀

籍流巫州卒奏河南丞嚴安之為理嚴為人所

畏請使止之上從之安之至以手板繞場畫地

曰犯此者死於是三日指其畫以相戒無敢犯

雲溪友議曰嚴安之定之昆弟也安之為長

○補開成中延英奏對李石唐書曰石字中玉隴西

人機辯有方略亦精吏

北古上院

世說新語卷之四

術太和三年為鄭滑行軍司馬入朝奏事占言對明辯文宗嘉之歷官檢校司空平章事

嘗西蜀中元日詣佛寺見故劔南節度使韋臯

圖形百姓至者先拜而後謁佛臣訪於故老皆

曰方稅重令公輪年全放恩深於蜀今無此惠

澤追思益切唐書曰韋臯字武臣京兆人貞元元年為劔南西川節度使以功加

檢校司徒中書令封南康郡王

○○補

李文靖為相東都事略曰李沆字太初洛州肥鄉人父炳侍御史沆沆厚寡言器

度宏遠咸平中拜平章事卒贈中書令謚文靖當太平之際凡有建議

務更張喜激昂者一切報罷曰用此報國湘山野錄

李第一著

織

曰李公嘗被同年馬亮責之曰外議以兄為無利害一切報罷聊以此補國耳今國家防制統悉密若疑脂苟狗所陳一一行之則所傷實多

文學上

○補

淮南王著鴻烈二十篇楚詞註曰淮南王安博雅好古西京雜記曰鴻

大也列明也言號淮南子自云字中皆挾風霜

之氣揚子雲以為一出一入字直百金漢書曰揚雄字

子雲蜀郡成都人好學博覽少者欲家無擔石

為門下史薦雄待詔歲餘為郎中給事黃門

○鄭玄在馬融門下融自叙曰融字季長右扶風

比占世說補卷之四

十九

事見西京雜記

文學

打馬言不...

大將軍鄧騭為舍人。棄遊武都會羌處起。自關以西道斷融以謂古人有言。左手據天下之圖。而右手勿其喉。愚夫不為。何則。生貴於天下也。豈以曲俗咫尺為羞。滅無限之身哉。因往應之。為校書郎。出三年不得相見。高足弟子傳授。為南郡太守。

而已嘗算渾天不合。諸弟子莫能解。或言玄能

者。融召令算。一轉便決。眾咸駭服。及玄業成辭

歸。既而融有禮樂皆東之歎。玄別傳曰。玄少好

經。好天文。占候。風角。隱術。年十七。見大風起。詣

縣。曰。某時當有火災。至時果然。智者異之。年二

十一。博極羣書。精曆數。圖緯之言。兼精算術。遂

去吏。師故兗州刺史第五元。先就東郡張恭祖

受周禮禮記春秋傳周流博觀。每經歷山川。及

接頭一見。皆終身不忘。扶風馬季長。以其儒者

名。玄往從之。參考同異。季長后戚。嫚於待玄。

不得見。住亦右。自起精廬。既因紹介得通。時涿

郡盧子幹為門人。冠首。季長又不解剖裂七事。

玄思得五。子幹得二。季長謂子幹曰。吾與汝皆

弗如也。季長臨別。執玄。恐玄擅名而心忌焉。玄

手曰。大道東矣。子勉之。亦疑有追。乃坐橋下。在水上據屐。融果轉式逐

之。告左右曰。玄在土下水上而據木。此必死矣。

遂罷追。玄竟以得免。馬融海內大儒。被服仁義。

何猜忌而行。鳩毒乎。委巷之言。賊夫人之子。○

或出求帖。門人未可知也。或如神秀之徒。惠明

鄭玄欲注春秋傳。尚未成時。行與服子慎遇。宿

李去必是盧子幹逐之

如云式所以卜追也其兆如此

知其死而不

知出於逃避之術也

又云皆其門人互相神聖所傷

不足多辨

王云註駁甚正

逐

此占世說補卷之四

二下

榮

客舍先未相識服在外車上與人說已注傳意

漢南紀曰服虔字子慎河南滎陽人少行清苦為諸生尤明春秋左氏傳為作訓解舉孝廉為尚書郎九江太守玄聽之良久多與已同玄就車與語

曰吾久欲注尚未了聽君向言多與吾同今當盡以所注與君遂為服氏注

○鄭玄家奴婢皆讀書嘗使一婢不稱旨將撻之

方自陳說玄怒使人曳箸泥中須臾復有一婢來問曰胡為乎泥中衛式微詩也毛公答曰薄言往愬逢彼之怒衛邶柏舟之詩

○服虔既善春秋將為注欲參考同異聞崔烈集

門生講傳韓虞文章志曰烈字威考高陽安平人駟之孫瑗之兄子也靈帝時官至司徒太尉封遂匿姓名為烈門人賃作食每當

至講時輒竊聽戶壁間既知不能踰已稍共諸生叙其短長烈聞不測何人然素聞虔名意疑

之明蚤往及未寤便呼子慎子慎虔不覺驚應遂相與友善

○補蔡中郎從朔方還張璠漢紀曰蔡邕字伯喈陳留圉人六世祖勳與鮑宣

茂不仕新室父稜亦有清白行謚貞定續漢書曰邕通達有傳才博學善屬文技藝術數無不也私謚惟陳仲

引商淵明二人
可當餘多其
子弟門人苟爽
以為不宜是也

精綜仕至左中郎嘗避怨於吳顧元歎從學琴
書顧專一清靜敏而易教中郎歎異之曰卿必
成致今以吾名與卿顧遂名雍吳志曰顧雍字
連牧州郡皆有治迹歷奉常尚書令封陽遂鄉
侯拜侯還第家人不知為人不飲酒寡言語孫
權嘗曰顧侯在坐令人不樂位至丞相

○補陳孔璋草檄文成以呈曹公公先苦頭風是日

疾發卧讀孔璋所著翕然而起曰此愈我疾魏略
曰陳琳字孔璋廣陵人避難冀州袁紹使典文
章紹檄文即琳之辭也後歸太祖太祖謂曰卿
昔為本初移書但可罪狀孤而已惡惡正其身
何乃上及父祖邪琳謝罪太祖愛其才而不責

止

也○
聖主

○補朱公叔耽學專精銳意講誦或時思至不自知

亡失衣冠顛墜阮听其父以為專愚幾不知馬

之幾足張璠漢記曰朱穆字公叔南陽宛人父

穆少有英才學明五經性矜嚴疾惡不交非類
袁山松後漢書曰穆著論甚美蔡邕自至其家
寫之穆感時澆薄慕
尚敦篤乃作崇厚論

○補王充著論衡成中土未有傳者袁山松後漢書

會稽上虞人幼聰明詣太學觀天子臨辟雍作
六儒論謝承後漢書曰謝夷吾薦充曰充之天
才非學所加雖前世孟軻孫卿近
世楊雄劉向馬遷不能過也
北占士克甫
二二

東得之歎為高文恒祕翫以為談助及還北諸公覺其談更遠檢求帳中果得論衡一部袁山

漢書曰其後王朗為會稽太守又得其書時人稱其才進或曰不見異人當得異書問之果以論衡之益抱朴子曰時人在蔡邕帳中搜得論衡捉數卷持去邕了寧之曰唯我與爾共之勿廣也

補

潘元茂文章志曰潘勗字元茂陳留中都人少發拜尚書左丞病卒作魏公冊命後漢書曰曹操自為魏公加九錫人謂

與訓誥同風元茂亡後王仲宣王粲別見擅名當時

便疑此冊是仲宣所為及晉王為太傅臘日大

會賓客語元茂子滿曰尊君作魏公冊高妙仲

宣亦以為不如人始信是元茂作文多不載

鍾會撰四本論始畢甚欲使嵇公一見置懷中

既定畏其難懷不敢出於戶外遙擲便回急走

王云令人畏至此那得不為所中

魏志曰會字士季繇少子也敏惠夙成中護軍

遣見濟濟甚異之曰非常人也及壯有才數精

練明理累遷黃門侍郎諸葛誕反文王征之會

謀居多時人謂之子房拜鎮西將軍伐蜀蜀平

親曰我淮南以來畫無遺策四海共知持此欲

傳於世遂謀反見誅時年四十嘗論才性同異

會論合屯騎尉王
廣論離文多不載

揚子也言曰淮南說之用不始太史公之用也太史公聖人將有取焉淮南
鮮取焉尔必也儒乎乍出乍入淮南也
或中經
或入經

